


# ANG DIOS MAGAATIMAN KANIMO



**Tun-i kini mahitungod sa Dios**

Ang Dios magaatiman niadtong magasugot Kaniya

Ang Dios malipay kon kita mosulti nga “Salamat Kanimo Ginoo.”

Kita magahatag ug mga halad sa Dios ug moingon, “Ginoo Salamat Kanimo.”



Basaha kini gikan sa Biblia  
Kusga pagbasa makalima nga balik

Ug miulan sulod sa kwarenta ka adlaw ug gabii. Hangtud nga ang tubig milukop sa mga tag-as nga bukid . . . Ang nahibilin nga buhi mao si Noe lamang ug ang tanang

diha sa sakayan. Gen. 7:12, 19, 23.

Ang akong balangaw igabutang ko diha sa panganod ug mahimo kini nga usa ka timaan sa saad taliwala nako sa yuta. Ug pagahinumduman ko ang akong saad sa taliwala kanako ug kaninyo. Genesis 9:13, 15.

## Mabuhat mo ba kini?

Badlisi libot sa tukma nga tubag.

- |    |  |        |            |      |
|----|--|--------|------------|------|
| 1. | Pila man ka adlaw nga miulan?                                      | 4      | 10         | 40   |
| 2. | Pila man ka tawo ang nahibilin nga buhi didto sa gawas sa sakayan? | tanan  | napulo     | wala |
| 3. | Unsa man ang ilhanan nga gihatag sa Dios kang Noe                  | bangaw | mga bitoon |      |

## Mga Tubag

1. 40

2. wala

3. bangaw



Ang Dios nagaatiman niadtong magasugot Kaniya.

Badlisi ubos sa mga pulong gikan niining timaan •ngadto sa•

Sa dihang mitaas ang tubig mitaas usab ang sakayan. Kini milutaw sa tubig nga nagatabon sa yuta.

•Si Noe ug ang iyang asawa kauban sa tulo niya ka mga anak nga lalaki ug ang ilang asawa maayo ang kahimtang sulod sa sakayan.•

Ang mga mananap usab maayo ang kahimtang.



Sila may mga pagkaon.

Diha ang mga sagbot ug mga kompay.

Diha usab ang mga binhi ug mga bunga.

May mga bugas ug mga liso.

•Ang Dios ug si Noe nagaatiman sa mga mananap.•




Miulan sulod sa 40 ka adlaw.

Unya ang Dios magpadala ug kusog nga hangin aron sa pagpahabas sa tubig sa yuta.

Mihubas ang tubig.

Ang sakayan mitongtong sa tomoy sa usa ka hataas nga bukid ug nagpabilin kini didto.



Si Noe ug ang iyang panimalay nagpuyo sulod sa sakayan hangtud nga namala ang yuta. Sila nagpuyo sa sakayan sulod sa usa ka tuig. Ang Dios nagaatiman kanila diha sa sakayan.

Sa katapusan namala na gayud ang yuta. Gibuksan ni Noe ang pultahan. Ang tagsatagsa migawas sa sakayan ngadto sa kahayag sa adlaw, si Noe ug ang iyang panimalay, ang tanang mga mananap ug mga kalanggaman.

Ang mga elepante midalagan nga puno sa kalipay.

Ang mga ongoy misiyagit kusog kaayo.

Mingolob ang mga leon ug nagbunalbunul sa ilang mga ikog.

Ang tagsatagsa nalipay nga sila makagawas sa sakayan nga walay kadaut nga nahitabo.



### Hunahunaa kini

Nahadlok ka na ba sa usa ka bagyo?

Kinsa man ang mitabang kanimo?

Kinsa man ang mitabang kang Noe sa pagluwas sa iyang panimalay ug sa mga mananap?

Kinsa man ang nagatabang sa imong mga ginikanan aron sa pag-atiman kanimo?

Kinsa man ang nagapatubo sa mga tanaman aron nga kini mahimong kalan-on?

Nagapasalamat ka ba sa Dios tungod sa imong kalan-on?

Nagpasalamat ka ba sa Dios tungod sa Iyang pagbantay kanimo sa panahon sa bagyo?

Nagapasalamat ka ba sa Dios tungod sa iyang pag-atiman kanimo adlawadlaw?

**Ang Dios malipay kon kita mosulti nga: “Salamat Kanimo Ginoo.”**

Ang unang gibuhat ni Noe mao ang pagsulti nga,  
“Salamat kanimo O Dios ko.”

• Si Noe nagpasalamat sa Dios tungod sa Iyang pag-atiman  
kaniya ug sa iyang panimalay ug sa tanang mga  
mananap ug mga kalanggaman.

Si Noe nagpasalamat sa Dios tungod sa mahinlo nga  
kalibutan nga iyang pagapuy-an.

Si Noe nagahatag ug halad ngadto sa Dios aron  
sa pag-igon “Salamat Kanimo O Dios ko.”




• Ang Dios nalipay tungod kay si Noe miingon  
“Salamat Kanimo O Dios ko.”

• Ang Dios misaad kang Noe: “Dili na ako magalaglag  
sa yuta pinaagi sa lunop.”

Ang bangaw mao ang ilhanang gihatag sa Dios.  
Kon makakita ikaw ug bangaw, hinumdomi:

• Ang Dios magaatiman kanimo.



**Kita nagahatag ug mga halad sa Dios ug moingon nga,  
“Salamat Kanimo O Dios.”**

Kita magadala sa atong mga halad ngadto  
sa balay sa Dios.

Ton-i kini nga pag-ampo sa panahon nga ikaw  
magahatag ug mga halad ngadto sa Dios.

### **Pag-ampo**

Ako nagpasalamat kanimo O Dios, sa tanan

nimong pag-atiman kanako,

Alang sa puloy-anan ug kalan-on ug mga bisti.

Dawata kining diyutayng gasa nga akong dala

Aron sa pagpasalamat kanimo sa tanang butang. Amen.



**Karon sulati ang imong Talaan sa Tinun-an alang sa Leksyon 8**

INTERNATIONAL CORRESPONDENCE INSTITUTE  
PHILIPPINE NATIONAL OFFICE, P.O. BOX 1084, MANILA

## 8


# ANG DIOS MAGAATIMAN KANIMO

## KALINGAWAN NGA IMONG PAGABUHATON

Pagbuhat ug bangaw sa mga saad.

Pagbuhat niini pinaagi sa pagsumpay sa mga tulbok nga sinumpaysumpay diha sa hulagway sa ubos. Butangi ug color ang kinatung-an sa mga badlis nga imong mahimo:

1. Ang kinaibabawan – pula
2. Ubos sa pula – dalag
3. Ubos sa dalag – lunhaw (verde)
4. Ubos sa lunhaw (verde) – azul



Ayoha pagbasa ang tagsatagsa ka pangutana. Unya butangi ug color ang kahon ubos sa tukma nga tubag, o butangi kini sa imong lapis.

1. Tulo ba ang anak ni Noe nga mga lalaki?
2. Mitabon ba sa yuta ang lunop?
3. Si Noe ba usa ka dautang pagkatawo?
4. Ang Dios ba nag-atiman kang Noe ug sa iyang panimalay?
5. Nangamatay ba sa gutom ang mga mananap sulod sa sakayan?
6. Ang Dios ba magaatiman kanimo
7. Ikaw ba nagapasalamat sa Dios sa Iyang pag-atiman kanimo?

Oo	Dili

Isulti ang mga paagi diin ang Dios nagaatiman gayud kanimo.

.....

.....

.....

.....

Nabuhat mo na ba ang tanang bulohaton niining leksyon? .....

Linawa sa pagsulat nga minuldi ang imong ngalan .....

Grado .....

Ang imong papel sa pasulit pagahatagan ug grado ug ipadala balik kanimo, kauban sa sunod nimong leksyon. Kami malipay sa pagdawat ug mga sulat nga gikan gayud kanimo. Pangutana lamang bisan unsa nga mga pangutana nga moabot sa imong hunahuna sa panahon nga ikaw nagtoon. IPADALA KINING PAPEL SA PASULIT NGADTO SA:

INTERNATIONAL CORRESPONDENCE INSTITUTE  
PHILIPPINE NATIONAL OFFICE—P.O. BOX 1084, MANILA